

榮

性

堂

集

榮性堂集卷九

吳縣吳俊曇繡

古今體詩

奉使出都和陸耳山大廷尉送行詩韻四月二十七日定興縣作同費道峰學士

乘輅初別紫宸班萬里長征落日殷此地五年經十度回
眸一帶是三關身陪鸞鶴侶中侶夢越牂牁山外山聞道
量材須玉尺仗君籠藥與俱還

道周郵吏意拳然泛泛游蹤下瀨船羌笛隴禽增感槩白
雲黃鶴佇神仙行看槐莢如前約坐對冰壺有夙緣乍過
梁門成小住暮鴉飛上百樓顛

定興

乘輅出三輔小憇百樓城地接龍山澗天連涿水橫
縣官閒自美沙戶旱能畊不耐聞鄰柝依依京國情

和道峰學士二首

聒耳倉庚在樹顛浮騰麥氣路延綠料過峴首山
如畫想到桃源使似仙冉冉夢成蕉底鹿忽忽跡
泛峽中船驛牆舊是題詩處復爲聯吟一惘然

非教禱祀碧雞還此去心輕萬疊山逆旅兩人
交作主太平六詔不須關遙看井鬼浮雲氣又是
滹沱照客顏記得衆春三月暮手摩雪浪值清班

臨漪亭

臨漪亭四面面面水風涼潑刺魚銜餌穠種鶴伺糧戎葵
紅出屋幽篠翠籠房寂歷聞鐘鼓鄰庵正夕陽

漕河慈航寺觀方宜亭官保貯蘭圖遺照

寺門斜照逐沙偏宮保祠堂側左邊長有鐘魚伴清寂能

無涕淚感詩篇

壁有官保
自書詩幅

柳眠官道王睢老麥熟齋厨不

飢便亟爲選曹

謂葆岩
吏部

馳吉語穉蘭一畹正娟然

定州

花磁一盞酌中山斜日雲奔倒馬關問訊衆春花發處徘徊
四牡麴塵閒蒲風戢戢綠陂偃榴火離離照驛殷一樣
馳驅勞館吏年時那似者番閑

趙州聞笛

酒樓青旆向城挑楊柳毵毵舞翠條何處笛聲似相識五
年四過趙州橋

趙州曉行

曉風吹面白沙涼華髮盈巾攬未蒼我有一樽持仔細不
澆州土醑馮唐

樂城

李家三巷縣西頭封邑猶傳平棘侯不見當時千萬壘斯
波一曲記樂州

由栢鄉至內邱

蓬鵲山中雲氣生千金渠上柳絲輕年來使者勞勞甚未
遂芒屨採藥行

洗腸水相傳佛圖澄洗腸處

我聞佛圖澄曾洗腸於此嗚呼豈其然傳之者妄耳如來示八還我不留些子是身本非我何況腸中滓水清洗腸濁腸清濁在水清濁兩轉換何救本來體縣人酷好事媿媿述奇詭我聞亦何云付之一粲齒

邢臺晤洪素人太守

五月邢州道橋開石勒官大夫勤問俗使者雅觀風鎮割河東險雲屯趙北雄莫言專郡小報國此心同

磁州行館煮茶

驛靜不聞人語聲稍有輿僮供役使長廊活火煮松蘿小雨鳴簷作還止磁州荷花十萬柄養以滄源一勺水跳珠

濺玉走淙瀑陂之爲澤美利美蕪葭菱芡綠翳眼鴻鵠鷓
鴒喧聒耳高田枯燥下田收處處紡車響樹底使者北來
苦煩渴一盞花蕘冷徹髓詩腸泉味兩感通磁鐵相銜有
至理明朝策馬渡漳河回首州城大如砥

由磁州冒雨至安陽

三日東南風未雨氣已濕侵曉竟淋漓城野翻漿汁掉尾
有鳥特舉錘聚臺笠魚鱗濠中萍鳩坐林間葉北溢與南
漳形勢在我睫漠漠韓陵山杳杳隆慮邑不是病龍疽一
夜黍苗立

鄴中懷古

漢陵荆棘臥銅駝心事周文要若何無復美人居列屋祇

餘斷瓦賺高歌臺尋鄰下堪憑少柳傍漳涓入畫多典午
當塗俱浩劫夕陽一片石嵯峨

晚晴

人家洹水上落日轉蒼茫鼓角雄河北風煙偪滏陽草酣
池黽怒林展驛燈涼嘯客今何處迢然鸞鳳翔

湯陰

棟花風急柳飄絲一片晴沙颺酒旗應爲小姑賽生日縣
人爭上鄂王祠

扁鵲墓

徧知百草味不救一身危草沒將平墓人看未仆碑經過
行藥處疑信受封時沙際涓涓水憑教暑渴醫

過淇縣縣令馮岳立來見言其邑地瘠而民勞因爲

賦此

淇水西出王屋山容裔淪漣不勝美風人咏嘆至再三况
有菁菁修竹倚後來漢武塞瓠子徵徒縛棧葢取此後漢
寇恂拒朱鮪崇朝伐作百萬矢大抵物產貴利用豈惟觀
美志乘侈我來但聞澆澆泉更無一竿筆可紀彈丸城郭
沙土兼稍有炊煙結小市我告縣官勿菲薄人力盡時地
利起肥磽與俗互轉移昔時淫涵今耒耜人間課種竹萬
竿高會吟風低弄水地之瘠沃視其人傳曰此邦夥君子
由宜溝過淇縣至衛輝

一點青山小似螺黎陽黃土浣衣多

中經滄縣界

長懷五嶽游

行者不見蘇門高隱何未是採風來沫土恰纔被酒入朝
歌驛樓到處頻回首總爲南題經渡河

滎澤渡河

我家江東官長安翻身渡河入兩部雖未探源星宿海胸
中自謂河貫弗前年月黑風陵渡潼關燈火蒲關樹駕船
盡是河東兒千篙能與浪抗拒今朝遠見廣武山隄上鼓
吹禽絲蠻中流無風足四望成皋陽武車關關楚漢戰爭
氣龍虎爾翁之肉幾登俎險巖機謫竟何有眼前桔槔脚
底土使者衣上東華塵拂之不去將隨身卻從河南眺河
北始覺浩蕩萬里人驛亭饑就縣官餼有風迎我西南至
夢勞吳下復幽州日日籃輿惟打睡

夜聞琵琶

我非白傅滯江城何處琵琶抱月明
初奏伊涼指淒澀變爲河朔氣崢嶸
女牆濃露啼烏濕暑宇橫參繫馬驚
底事枕楞眠不穩合歡小令最關情

往在京師聞人彈合歡令聲極柔曼

由鄭州至新鄭

具茨山下麥初收僕射陂前雨似秋
悵望圃田沙鳥外依稀鄉校女牆陬
一條略約橫漆水夾道來禽出鄭州
長吏放衙無所事桂蒲已久化鋤耰

長葛道中

王睢關關呼東風一雨桔槔戶厥職
徭輕賦薄餘力多黃犢馴不用鞭逼
行旅却在濠壘中人家可仰不可卽
不知

何人所經界盡規高原播黍稷林中築屋嚴城堡宵聞擊柝應南北居人歌舞路人愁盡日汗萊走昏黑忽聞鼓角起城頭爽塏高明一憑軾

汝水

使君西邁汝東趨有態無風似靜姝鹿角網來差自飽

是日

食小魚

玉船洗却向誰沽頰川元禮龍爭附荀氏慈明玉不

孤憐爾清淪如舊識挽余征夢返淮湖

頰水

豫州如人身黃河貫肩頸伊洛纏其胸汝頰絡其脛陸宜黍與稌澤富蒲與苻駉駉桑棗繁曖曖篔簹篠靜灌漑利則饒溶漾態彌永曉涼發長葛亭午已泛頰微風鱗甲生眩

亂雙眸炯快雨洗草木夜漲升膠艇扣舷不忍睡恐壞浪
紋靚東流逕許昌勢入宛丘迴不駛亦不徐能獨復能併
會賒醉翁醉善影坡公影綽然弄風姿名與名士並薄言
奉使來覽古抱厚幸指水甯成言乞郡必是境手築西湖
陂養稻一千頃無事讌僚屬有令誅蝗蝻二公典型往能
發後人警水實聞此盟牢記莫教冷怱怱且別去由襄還
入郢

桐俗云
毛桐

蒸桐以爲油煎熬氣熏屋用以灌束薪火之當秉燭方其
蔽芾初勢欲奪修竹暗葉網蟲絲空竅巢蝙蝠無風自翻
翻得雨更簇簇那知怪醜貌燃照世人目或取調丹粉功

與漆同族燦然成文章器用失素樸我行汝潁間不聞松
檜馥一村間一堡處處遇此木何曾見赫曦仰而但蒼綠
物生豈徒然如禰體用足含膏不自塗吐子復滿腹縱非
樑棟姿終離鋏鋤行行入荆湖藉可障三伏借問主人
翁利埒桑與柵

葉縣

村鳥不畏人出與耕牛逐犁邊伺遺粒甚黠智亦足南陽
大有年千錢麥兩斛既實倉與箱餘尚飽烏腹烏飽鳴啞
啞飛上祠堂屋屋中祀葉公踈着皎雙目公舉伊我感公
笑伊我福以公笑與舉卜我年凶熟今年三月雨長養到
蠶畜何以報享公畫龍滿楹桷再三叮嚀龍庶幾鱗爪伏

慎莫輒飛去飛去吾頰蹙

扳倒井

裕州北

未去赭陽三十里有泉細與珠璣等封以石欄覆以亭旁
溢瀦爲池一頃池中紅蓮擢萬柄池上修竹秀千挺道人
香火祀光武壁畫雲臺氣森整謂帝微時人馬渴轉石探
泉得甘冷南陽好事愛且誇勺水名與方城永帝王之生
非偶然昆陽戰鼓天地警掃清關洛造中興諸臣功可韓
彭並滹沱麥飯蕪葵粥數語公孫聲淚併輕年恢度似高
祖繼世猶能媿文景吁嗟黨錮激黃門月黑流螢照悽哽
我來洗眼更煎茶塵夢疲勞藉驅醒道人話古雜稗野二
千年事駒一騁繫人鑒井井鑒人中有搖縈不死苜芒碭

山頭赤帝雲樓桑村中車蓋影真人符瑞洵有之此地人
呼扳倒井便從宛葉望嵩邛王業蒼茫一斷縷

博望

自葉縣曉
行至此

白鳥青林外人煙博望屯驛囂知傍市天遠若無村土到
昆陽赭沙翻渥水渾把杯吟漫尉風氣欲昏昏

南陽

豫山山下路三十六陂陰寂寞張衡宅蕭條梁父吟川原
足形勢戰伐劇侵尋太息何平叔元譚非我心

新野

力據上游勢環城白水紆縣民資澤利沙戶少官租唐鄧
風煙接襄樊氣勢趨每懷庾開府哀感暮年俱

襄陽

鳳林關上櫟葉蒼潼口驛前野草香
莫問銅鞮坊畔路更無人解唱蕭梁

使者能歌白接離逢人便問習家池
搖鞭騎馬是能事賭與并州身手兒

士元樸鈍寡人知鑿齒春秋志亦奇
人物襄陽推第一後來猶著孟兼皮

器業蓬蒿共此山襄人慷慨郢人歎
大隄舊是行歌處說起羊公淚暗彈

宜城

一盞宜城酒風花似故人楚雲濃
比黛漢水縐於鱗此地

陂池沃當時甲第新小姬年十五偷解唱陽春

白石橋至荆門

曉來不見竟陵城一塢隕雲礙好晴柳學細腰沙外裊草
描翠被雨中生渡溪老牯能將子坐樹馴禽自喚名惆悵
蘭臺何處所楚天風雅極關情

荆門

漢水東去我向西石橋南頭路多泥州人陂水如貯器斜
整縱橫隨所利櫟葉簇簇楓翻翻水牛渡溪歸破村村中
楚語賣楚酒客醉蚊蚋驕黃昏

荆園試泉

南惠涓涓會北蒙州人顏色湛而豐枯松敗竹煎村莽濺

玉跳璣煮野菘山到內方晴似暝水趨三澁夜多風夢回
十丈長杉舞淪我塵煩一盞中

江陵陳永齋觀察招飲

露冕傳呼御史來

各省巡守道
爲外臺御史

玉皇案吏玉堂才文章煙

月休論價興會江山共把杯撥草衝泥王粲宅摘梅看雨
楚靈臺便非河朔縱橫飲頃刻披襟亦快哉

英英二妙鳳鸞儔伯也旌麾擁上游名士作官難廢酒楚
天經雨便成秋我如騁馬思前路君似崇蘭執好修祝水
立隄當日事

戊秋江水暴漲觀察
晝夜巡防城賴以安

仲堪夢裏听生洲

江陵

我從樊沔入荊州郭索鉤輶水村裏由來雲夢盡是雲淪

滄溘溘出不已魚鱗瓦屋環渚官萬蛙喧聒兩耳聾市人
行歌野人餉黃蘆苦竹煙濛濛誰翦江籬薦屈子楚王臺
榭基如砥滿城傭保競囂呶赤脚何曾畏泥水城門邏者
操楚聲將軍號令嚴且明控弦四千豈爲少太平不聞鼓
角鳴三湘當胸裏在背夷陵鄂渚作襟帶長江出蜀吼夔
門到此崢嶸更雄概使者晚上雄楚樓東湖萬頃洗兩眸
女蘿山鬼不可學願學陶侃治荊州

虎渡口渡江

北行昔涉揚子北南游今涉虎渡南兩處江心有我影默
念與我而成三扁舟泊岸影隨滅獨抱瘦軀趨湖潭江潮
入汊曲復直伴我南去拖青藍南中草木似相識容貌華

悅氣味酣蒲蓮菱芙蓉瀟照椿杉楓竹間石楠沙汀白鷺
白蕭蕭漁梁燕子交喃喃眼前胸中足妍適南風無價恣
我貪道問楚語亦不惡誣以缺舌非公談離騷寧非屈子
作其音乃與雅頌參或疑吾言爲諛楚口雖不答心豈甘
歸裝誓不取一物惟有洞庭千頭柑

孱陵

巾幗由來似父兄孱陵樓櫓手營成昏煙苦竹吳王峴冷
雨青楓白帝城江漲與濺家國淚魂歸猶帶甲兵聲村人
那曉孫劉事也祝靈風薦杜蘅

公安

薜荔城頭掛芙蓉屋角生家家魚子飮頓頓鼈裙羹冷火

左公廟殘灰王濬兵驛樓煙欲暝一縣竹雞鳴

由黃冢至順林舖

青松生陰岡惡木乃爭附靈芝出蠹朽觸手噴毒霧青松
有直幹靈芝非數遇所處或非地甚好翻成惡我緣黃冢
行風喧漁梁渡櫟葉煙濛濛白鷺飛故故耳目悅妍媚草
木貢修嫖所見豈不佳而我別有悟欲葆蕙蘭姿植根當
白固

涪河

松岡繇以迤竹塢邃而阻石梁喧魚風茅屋聚馱語左首
洞庭雲背後長江雨何處婦勃谿煙中辨三戶

澧州

橘刺藤梢客路微
子規啼老鷓鴣飛
一州花氣蘭如草
盡日魚風沫似璣
林靜欲呼山鬼語
驛昏貪看彩虹輝
無人知是車公宅
閒數流螢點濕幃

清化驛

翠嵐堆白屋
綠幔捲青岡
無雨柝欄戰
微風蘭杜香
騷情憶公子
幽館恐斜陽
明日崔婆酒
停驂試一嘗

芭蕉

端合雨中相伴著
何曾雪裏得逢之
佇余秋綠梅黃路
及爾翻風潑霧時
秋在美人紈扇底
夜涼騷客荔裳垂
比鄰一塢斑斑竹
與割沙泉養令姿

麓山望諸山雲氣

白雲頭蓬鬆出山忙逐侶好風吹散之鱗甲不成雨失勢
著草木輒自成絲縷白雲故無情草木亦不語猝然交縈
纏憑藉片時許我笑問白雲山中洞壑阻曷爲輕出世出
世難自主人間雨已足去去伴龍處

大龍驛

柿子舖前戍角高杉樓竹閣迴周遭水貪飲澧勝餐芷路
愛沿溪趁看桃蒼霧全侵孱騎鬣白雲流滑大龍尻一村
魚蕞如泥賤與奉朝來病馬曹

有巡檢兼管驛務病未來迎

聞蟬

我家短簿祠邊住盡日蟬聲出市橋一院水明茶夢午半
樓煙重笛風飄耳根舊韻虛繚繞山驛初聞轉寂寥似喚

使臣宜小住楚天多竹好安寮

桃源

淵明非隱者歸去記神仙世上無秦歷山中有晉煙客行
楓逕曲鷗泛柘溪延稍欲辭塵鞅高歌一扣舷

白馬渡

北山何雄隆南山何迤邐北山吹角南山聞白馬渡前風
弄水人行桃源如青春不逢秦人逢楚人滿斟楚酒勸客
飲都無酸甜但濕脣頽然就床強名醉莫問神仙是僞真
界亭驛夜紀山行所見

桃源西上路約略夢中諳木筏青楓浦蘿牀苦笋菴有泉
皆注北無樹不遮南攤飯惟魚薺呼茶只米泔養苗雲送

雨炊黍氣成嵐不識縣官面能通搖戶談嗇夫都赤脚擔
者半衣襪棧磴明如鏡灘砂散似蚌一關龍嶺嶺諸嶺兇
趁趨破埃蝸涎蔓昏燈鬼霧含渚橋低貼瀨巖剝小於龕
市儉何從稅沾稀不任酣生涯縫薜荔家計課杉楠溜滑
禽言活風腥虎氣貪仙靈扁洞穴巫覡走丁男雜遝羣蠻
族疲辱長吏驟疾雷轟鼓礮落日絢金藍障隔中原目梯
危倒景潭使程刚到半更點恰聽三多謝館人意殷勤理
竹籃

馬底

大灘雄洪如狂龍小灘奮迅如渴馬遠從獅子望馬底山
頭轉在灘聲下灘映千山堆矮髻可憐新樣雷同寡白雲

爲刷霧爲梳競出紛來迎使者我亦何必分妍媸飽看不
論秀與野行行漸覺灘聲低籃輿高與青嵐齊林深驛靜
罕人語臥聽竹颺撲竹雞

青山坡

青山白霧鷓鴣啼客路千盤指五溪十里林塘明到眼水
風含雨夕陽西

辰州復見沅江

我行桃源西始與沅江遇扁舟渡白馬我南江北去相思
不相見三朝復三暮今日辰州城青嵐寫白霧霧豁嵐消
亡下有淼淼渡頭一回首乃是向來路江山雨多情小
別得佳晤江非故隱現我自勞寐寤路背江行會偶別

復遞屈指月孟冬江清山骨露
誓理麻陽舸飛抵河汭戍
只恐帆去聲風行轉有山行慕

辰州道中

稻塍菽頃間杉林若霧黃茅壓碧潯
石室弄書周穆傳夜
山吹笛馬援心人家板屋窓扉儉
驛路煙蘿洞壑陰跼跼
飛鳶當日語我來絕愛武夷深

船谿驛夜

楓林斜月子規啼客路青山西復西
一夜簷風作波浪渾
身冷翠宿船谿

辰谿

巖邑千巖下雲關霧作邪
猛灘春白屋腥雨打黃蘆
澗沸

殊泉熱嵐蒸鐵焰麤五城莊躑躅一片入模糊

羅舊驛館

行看嵐翠潑人衣坐覺溪光冷入幃境美最貪茶後睡身
輕差熟夢中歸山銜楚雨黔雲起鳥掠湖煙嶺樹飛一曲
芷江清徹底美人不見思依依

樓

槁葉長依柯翻翻敗帚挂新葉如拳雲頑不受拘械縱橫
股臂拓節節著癩疥無雨亦自語微風乃屢拜體堅貌致
醜勢勁聲一派織皮以爲薦易成且難敗楚天薜荔多濕
霧屯破扉黃昏星月濛一扇得清快宜與芭蕉鄰更配煙
雲畫作詩示楚人得錢勿輕賣

羅舊曉發

出門那聞人語聲
草根吟蟲與送行
江山不令客寂寞
夜光欲斷朝嵐生
濕螢畏曉沒
江岸林中旅行明
復暗
荆棘路遶青山
西青山未窮暑已半
清江潺潺幽芷香
何人雙槩飛沙棠
山高路長風水濶
美人遙在天一方

沅州

日出鵝鷓不敢叫
一幘林塘寫瀟照
江山清迥紀沅州
轉嘆詩人窘詩料
屈原宋玉不可求
竹鷄啼煙山鬼愁
靈風桂醕賦楚些
峯何巒巒川悠悠
人家門前繡芳芷
賤之如泥紛屐齒
那知一種入騷情
珍重直將美人比
使者采采烹以泉
與配行厨藥玉船
幽香自覺肺腑出
把筆便擬桂

樹篇

玉屏

灘聲含峽雨背我出牂牁京國六千里雲山日夕多玉屏
窓裏畫紫氣佛頭螺太守清如鶴相將話薜蘿

青谿

青谿風來縹玻璃兩岸子規盡情啼縣官長身瘦過鶴訟
庭無人白日西人家三兩架杉屋屋中書聲和竹鷄年豐
不能辦婚嫁粳米堆路賤似泥此意可笑復可樂縣官不
用常頭低

鎮遠

暑風豁霧轉蕭寥棧迴天低戍角超泉貨滿街苗漢市笙

鏡喧谷鬼巫謠二更火冷半山寺百道灘奔六孔橋照我
籃輿行坐睡石榴如醉海棠妖

相見坡

何人知未來又誰識過去了得去來因卽是眼前路我來
相見坡登頓屢回顧十里九折坂坂盡得荒戍寄語後來
人得新莫忘故

石關聯句

石關何嶢嶢

道峯

憑險此置候一綫趨黎峨

嶺

雙標豁

巖

蜿蜒蛇出穴

道峯

陰狠牛赴鬪叢篁弄清吹

嶺

暗泉滴細流

沙崩石露踝

道峯

路邈客痛脰捫壁鬼氣森

嶺

嵌空神斧逗

崢嶸抵劔閣

道峯

偈仄恍石竅天文參井墟

嶺

上俗狎貓隴

雌霓彩亘橋

峯道

頑蘚繡成籓輿儻越壺漿

繡雲

擔簦疲僂僂

並騎輒礙馳

峯道

連尻屢防仆撞屨雲蓬蓬

繡雲

透腋風颼颼

艱陟磴慙安

峯道

暑行背還灸孤挺有石楠

繡雲

危懸罕雀殼

枹鼓殊不聞

峯道

澗筑乃衆湊花布苗女裙

繡雲

雉翎獠奴冑

俯窺楊老城

峯道

回睇臘梅岫白汗翻淋漓

繡雲

綠稻遲穎秀

陰湫尚伏龍

峯道

竹屋自呼鼪賭作五字吟

繡雲

嶙峋觸天湍

峯道

冷溪

人間華臚太熏心歌舞豪雄熱似燭試看冷溪溪上水了

無香色與聲音

石均沙際漏涓涓隱故無心現偶然自是青山有腰帶一

條寒玉與紫纏

甕城

牟珠洞外路如蛇百折千迴互蔽遮照面酒波香出甕攤
街魚蕘賤於沙杉皮屋倚青楓樹麕眼離開木槿花蠻婦
裙腰工刺繡齊挑山蕨入人家

牟珠洞聯句

蒼山無窮西南屯

雲繡

蛟螭拏攫虎豹蹲誰施神斧剗其腹

道

了了臙腑堪搦捫牟尼珠穿一百八

雲繡

踞坐羅漢現世

尊幡幢瓔珞紛可狀

道

鐃鐸鐘磬啞不喧修羅甲兵鏞風

雨

雲繡

藕孔偃入旋騰翻渡河白象豁修齒

道

凍縮肉乳無人溫濤洶沫沸轟靈鷲浮圖七級盤天根銀鐙掩映珠

錯落

道峯

夜叉撐拇撐鬼奔矮床方廣几帖妥

巖繡

聞思大士

無語言合掌稽顙者童子

道峯

脚蹋罔象頭如龜種種奇詭

類鐫鑿

巖繡

一炬照破珠光昏僧言愈轉愈怪特

道峯

坐臥狻

狻與羝獬苔頑路滑磴百折

巖繡

欲往足軟愁攀援暑然山

鳴勢崩塌

道峯

陰風滅火悸我魂元關不許凡骨闖

巖繡

頗厭

擾擾風處禪迴惶出險如有失

道峯

助錄聞見勞緇髡家山

林屋甲吳會

巖繡

蝙蝠翅大車輪掀揭來六月叩鬼國

道峯

忽

得靈窟謝屋坤苗奴趙趙不敢入

巖繡

元武太乙爲司閽蜿

蜒一徑繞山背

道峯

叢篁苦霧翳朝暎作詩不及待筆硯

道峯

口占吻燥尋窪樽

巖繡

題家七泉明府馴蠻圖

六月叩泮荆千山激飛雨獠奴捷奔孫蠻婦僂戴管見人

輒走匿三兩自成侶一幅黔行圖欲作遲未舉吾宗行看

子乃在河陽所

圖在潘容齋使院容齋促予題句

署之曰馴蠻展觀令人

武終軍年最少景宗氣如虎駿馬馱美人綠弦撝白羽獵

獵翻旌旗井井勒部伍西兵連數年百萬勞禁旅頗牧

功自高從事勇亦鼓圖中呦呦鹿是用慰勞汝書生學識

字掩耳怕鞞鼓請看馴蠻圖豪壯轉媚斌馬前宛宛歌馬

後傚傚舞蠻舞與蠻歌侯母與侯父何以醉飽侯輕酥點

江乳此事已八年題詩滿黔楚我行犴狔疆一見句紛吐

借君圖中事發我意中語輟筆告河陽吾詩力挽弩

貴筑贈孫寶巖方伯

手中塵柄扇頭篇舊事新情合粲然我似跛牂當壁立公
真投及寡牛全盈虛挹注心良苦密栗廉隅性本堅喚醒
黃紬無限夢一時施設拔歸賢

朱幡畫戟照山開猶礮中丞赤棒來銅鼓雨酣衙鼓動竹
房煙嫩竹孫胎難忘立雪殮風語重洗聽潮候渡杯金殿
玉堂相待久論思端仗鳳鵠才

驛舍讀蘇詩

驛舍何有有蠨蟻低星挂簷螢火飛家山東吳八千里相
伴瘦影貪燈輝有髯忽來接聲款手中拄杖衣道衣晚年
文字妙海外無味味向牙齦回枕榔子垂諸芋熟崖蜂蜜
足海蛤肥邇來馳傳食不飽借公詩料療我饑冰蠶不知

霜雪凜火鼠那怕燔灼威名章俊語間絡繹華嚴精理透
發揮駕天高浪山谷撼吟罷獨自蹇踈幘

老鷹岬

蒼鷹摩翅入雲中鑿壁誰將爪距礮戍卒拾薪尋虎跡山
人削枳縛牛宮故知狐兔無藏窟祇覺鷓鴣在下風側起
一岡猿臂拓拏人先遣眩西東

松歸

日日肩輿犖确村壤沙如燒土如髡天風忽振千鱗甲泉
溜爭鳴萬益盆路有菌芝因過雨戍無蛇虎不關門此中
結屋勝千戶松子秋來似稼屯

雨中與道翁談楊升菴詩

暮雲卷雨溢秋河鄰火星星戒織蓑天與使臣前
轂屨山爲吳客寫煙波枝頭苦果無聊摘
棧底酸湯也自醜一卷升菴好詞賦相將
淒怨葉聲多

兩次韻

槁葉粘柯鬼蝶乾枯萍著塊野蕞漫風生
山驛簷楹底雲起先生杖屨端舖隴稻秧
看馬沒堆窓柿紙有蝸蟠木容山下喧鐘
鼓一路邦人謝雨壇

入滇

何人磨鉛膏涅彼黔山黑又誰研丹砂糝
此滇山絕純火燒洪爐日夜鍊硃墨我行
叩碧雞漸覺井鬼逼踏盡泮河山僥倖造
平直殼觥挽兩輪略似昂靄式

木蘭圍場中載
盃禽之車謂之

昂雷車蒙古牛車也

雄岡土何麓露巘態不匿土音半是楚族類大

抵棘浙米蒸浮浮養苗氣翼翼海棠七月花黃菊清露色
雜果名字希怪禽人不識薑蕨堆滿盤稍稍薦蘆蕪礪角
羊如牛促織健有力嫩松翠初沐幽筠美新織家家誦佛
經處處禳鬼魃入市貶攤街呼貝爲貶築室戶開埴風俗淳不
囂負擔競口食使者凭竹籃坐臥蒙氏國山與天無窮到
處識以默耳目發清快一洗向來惑作詩成風謠庶幾輶

軒職

霑益曉發次韻

郭外青山淡欲無客行貪看水村圖臥沙細肋工噓沫啞
荇長吭會引雛竹色拍天成一碧稻香浮鄧拓三隅城三而皆

水田惟一輪他短袴單衣者犢背橫眠緩緩驅
面枕山耳

馬龍

佞佛家家擊木魚此邦人故好樓居石湔雨氣紛零綠

石產

綠葑占山凹便欲瀦關索有雲都彩翠馬龍無渚不芙蓉
羣兒爭逐雌雄燕遊戲非因療疾儲

產石燕云
可療眼疾

寒瓜

暗蛩穿牖語衰蝶戀叢飛客夢逗秋雨寒瓜臥落暉蔓遮
茅屋漏根借石泉肥晚食烹鄉味如何不當歸

曲州古詩

我憐尹道眞負笈遊汝南學成歸來已白首弟子尊之孔
與聃我慕韋仁壽威聲赫南寧夷人豪帥泣且拜一去終

古青山青青山閱人記誰某惟有兩人致不朽我來覽古
一歎噓君子所居陋何有象犀珠玉生爰荒孔雀翡翠儀
煌煌農歌商舞士弦誦邇來非鬼躔文昌敬神尊鬼性然
耳無復相讐挾弓矢人家門上榜襮熒此義誰云非周禮
馬龍曉發至板橋

捲幔朝來翠浪奔東河一夜雨傾盆蜿蜒路繞龍身滑突
兀峯撐馬骨尊成號越州疑夢寐人行烏箬想飛翻高田
側瀉低田受稻熟蕎荒隱憾存

長歌

北風北自峨眉山直送在雲到南海我欲乘之小游戲自
嫌襪履如重鎧山川蒙氏幾烽火興廢沐家等傀儡可憐

憔悴老升菴樂府彈詞人口在曰歸其雨怨聲多金齒驛
前清淚灑使臣詩債本來忙到此齒牙發光彩瀾滄江水
點蒼雲夙昔夢見繪真宰世上豈少王子淵碧雞金馬應
相待浩歌把酒酌長風天半迢然鸞鳳咳

蜀葵

紫荆花老石榴衰山鷓高飛海燕卑無主官厨呼越酒有
情秋館倚戎葵露翻雨打離披處泉冷沙乾映插時一別
月氏天萬里竭來特地炫丰姿

蠶豆

交方風物故難詰露後霜前豆號蠶莢與晚菘同釜煮其
將黃菊一肩擔提筐婦女無顏色赤脚丁夫半襍褻贏得

青青好名字賺余飽食夢江南

松秧

日日山行蹋赤簡邦人生計重沙泉但堪引水俱成圃小
可栽松卽當田盈指便模龍偃蹇試針工舞月嬋娟爰方
草木須詳譜愛爾初生意矯然

楊林驛館憶少甫長沙

松梢雨棲不礙晴稍凉水滿一蛤鳴萬里路行九千九長
沙人遠清秋清一家容易雙使節四十慚媿兩文衡感
恩銜 命看星斗落落關山弟與兄

高堂白髮當歡然子乘四牡入楚滇但得歸裴朮桂籠可
無負郭膏腴田金沙要待老眼覩蘭茝那任俗手牽寄君

一語拓懷抱洞庭衡嶽青浮天

盤龍江俗呼嵩明海戲賦

蝨蛄那足知春秋麋鹿不借鳧雁遊世間幾許蝸處角堂
上瞥見均浮舟盤龍江中多老葑吹波斜渡烏犂牛尺鯉
尙不掩其鱗焉供鯨鼈弄一漚總因木華好賦手所在盜
竊恬不羞貴耳賤目已無當如此耳目交謬悠非湖非河
亦非澤庶幾名之嵩明洲

宿上板橋次韻

聒耳郎當牛鐸聲泥何滑滑趁沙行板橋東畔垂楊外只
欠春鳩喚餉耕

不知名字果垂紅乍喜行厨笋蕨充金馬碧雞相待久若

爲使者告年豐

淡雲罅處漏斜陽桂未花時葉已涼
筭到日歸剛九九棗香浮麴柿收霜

大山迴照小山明一日籃輿百日程
天半忽驚銀漢落滇池秋水夜方生

榮性堂集卷九終

榮性堂集卷十

吳縣吳俊曇繡

古今體詩

題方葆巖吏部青溪放棹圖

細雨梅花嶺青山白下城紀行詩百首歸夢月三更門巷
烏衣舊蘼蕪朱雀平履綦盡名士金粉艷南京水閣江潮
入風檣海燕爭柳煙偏匝匝花霧故縱橫一徑聽鶯去雙
鬢打槳迎明櫓宜白晳珠咳落澄泓絕愛玲瓏筆疑從卷
畫行廣州春似海使者戒初程怊悵呼鸞道低徊弄瑟聲
佛桑庭院午杜鵑驛牆明衣有蠻雲重裝惟畫卷輕籃舉
赴行在題句首錢彭歸及天中節樽開杜曲盟忽聞蜂

與蟻不啻沸還羹上相提神策參軍致瘦生旄頭看曉落
隴水聽宵鳴飛檄書生筆籌饒節制兵壺單滿崖谷烏鼠
懼輦鉦薄伐何神武酬庸著姓名氣閒逾斌媚胆大益崢
嶸述戰神猶王談詩語足驚手攜行看子饒有六朝情睂
宇巖終少胸懷許阮弁等身量著作更事幾楸枰走也今
牢落吟多嬾蟋鷓催詩忙似火得句細如蟲輒欲連瓊李
相親若弟兄豪雄翻旖旎險澀變鏗奮儉筒因君索飢腸
獨自縈卷圖聊付與莫謾罵詩儉

穀雨日顧星橋舍人邀遊崇效寺看海棠就僧飯同
遊者爲方藝蘭侍讀潘榕臯王謙山費鶴江三舍
人周廉堂庶常王蘭階上舍余弟少甫

三年不蹋徐無山，魂夢常遶蒼崖間。
頑桃弱李弄妖冶，松風澗響吹淙潺。
朝朝聽鼓朝門左，車如水流馬似火。
疾書奏記一千言，烏帽黃塵走坳堦。
夜來新雨膏潑油，菜塍麥隴一例抽。
虎頭舍人亦癡絕，邀我策騎城南游。
城南僧寺競鐘鼓，崇效海棠足媚嫵。
當年爛醉此花陰，詩句流傳徧韋杜。
花猶不改舊精神，我已曾爲萬里人。
癸卯春與注杏江編脩醉此花
下賦詩爲樂未幾余有滇南之使今三年矣
篋中無限蠻荒雨，看盡優曇不當春。
滇中有優曇花晝合夜開或云鬼花也
重來把酒還凝想，人生著屐當幾兩。
花如笑我倦游身，一片隨風悄落掌。
枯僧機鋒翻水成，搬柴運水調湯羹。
曹郎腹饜太倉米，忽有蔬笋肝腸生。
階前臥犬了不吠，簷間馴鴿解聽明。
須臾解帶掛闌干，感事

懷人一長唱娟娟雲缺漏斜陽莫是花時佛放光癸卯詩有聞道花時佛放光之句歸歎諦視二三子恐有花影隨衣裳

喜雨

柳未飄綿杏抱蕾東風終日捲黃埃忽看水鶴飛飛過稍覺頑雲漸漸墮驛騎奏章忙似火是日大學士自京奏報得雨鄰春鼓

舞奮如雷懸知造物無私愛應灑南漳北溢來豫省河北毗連直隸

各州縣歲屢不登望雨甚切

城南草木已含滋歲歲看花每過時難得淋漓半夜雨賺成飛動一牋詩芹芽蘆葍堆盤脆牛鐸車鈴出巷遲試向六街詢麥價故應市僧早攢眉

程蘿坪考功同年邀飲看花

詩人誰似考功郎花下娛賓溢百觴淺絳淡銀分體艷

丁香

合幹岐枝紅膩肌豐肉絕時粧

海棠繁甚

巢痕初穩憐吾拙

余新

除司封郎春雨如煙賺子忙客醉白眠呼不起蜂聲茶響在長

廊

門外悠揚車馬塵階前跼踖借書賓

蘿坪購書盈架輒爲借者輟轉亡失今禁

不復終朝吏事兼花事幾箇官人似散人撫樹婆娑陰出

屋余座主錢東隱先生爲少司寇時有軒曰雙樹太傅有

文端公舊邸也蘿坪爲文端外孫亦顏其堂曰嘉蔭

兒揖讓會娛親與君盡此風前酌同是念念丐沐身

題畢上舍補垣小照

不醉胡爲襍被僵故應家法臥糟床門鄰短簿掩秋雨夢

上莫釐看夕陽艸女髻童本烏有金庭玉柱亦何嘗覺來

一一從頭想捉搦全無臧穀羊

謫仙天姥句嶙峋半壁空中刻劃新怪子簾櫳幽絕處暫
成醉墜得全身韻從幻寫愁無那艷爲頑多綽有神惆悵
吳趨歌舞地誰知中著夢游人

葆巖吏部爲通州戶部坐糧作詩寄盤山扈從諸公
時余在京未之見也頃始見之玉圃考功處旣悵
斯游之不與復恨葆巖之棄予乃卒和其韻

通路仿之陝咸陽渭水抱城官務暇省郎騎馬出長安筆
硯隨身水邊舍前年與君躡無終風爲輪兮雲爲駕北指
長城睂際橫東挹滄溟襟底瀉山僧苦爲劔藥忙穠杏巧
鬪村女姘好山難會易別離夢見山靈笑相謝一層樓觀

一層松醒來欲買愁無價聞君單舸莅西沽簿書斗斛雜
鞭罵我如猿鶴羈樊籠厭事往往親杯斝君詩寄與扈從
人而我不見妬且訝七峯三月開丁香照牕炯炯欲不夜
恨君遺我和君詩一片雲山臥游畫

七峰別墅海棠一株余及見其繁今不花且萎矣

春風淒斷月縱橫猶見當時照眼明大抵不花還有魄由
來無命爲多情曾迷坐樹鶯兒夢依舊穿簾燕子聲弱柳
頑桃都得意相將枯影傍南榮

春陰欲雨西山雲氣不絕直退賦此

青蕪滿地柳芽齊滑滑哥哥姑勃谿窈窕翠微籠白塔玲
瓏西澗入東畦萬錢難買山如笑匹馬能馱醉似泥苑戶

家家理畊且犢肥水滿好翻犁

戴孝廉養能余婦族叔也乙巳孟夏以落第久居京

邸惘惘而歸輒作詩二首奉送兼呈茗上戴氏諸

尊長及閔裕仲太史

十年別却水晶宮無限谿山入夢中曉雨欲迷城向背夕
陽難辨塔西東孤亭墨妙孫莘老一郡詩篇蘇長公記得
當時桑落飲離離庭樹撼霜風

此行剛及石榴醺鷺鶴喧門欲自軍雪水魚穿茗水去何

山鐘已弁山聞遮牆薜荔瀟湘雨晴楓秀才所居翠合抱

梧桐蜎斗文婦家庭下梧恨不同歸洗筆硯墨花彈入太

湖雲

題裘可亭侍讀紀行詩後

匹馬從戎氣若虹，函關西去玉關東。
隴禽羌笛蒼涼韻，嶽色河聲激蕩風。
盾鼻疾書募競病，筆尖飛雨洗刀弓。
由來鑿白無雙譽，都在參軍記室中。

大理石屏風

萬里歸來雙眼睛，拭將炯炯看雲生。
獨攜大理點蒼色，追配中山雪浪名。
邊吏購奇梯採得，蠻奴鎚險角圭平。
擘牋題句森縮手，霧雨滿堂失畫明。

紛紛馱載走天涯，翡翠明珠購滿家。
窶者簾櫳無骨董，冷官窓牖出煙霞。
依稀落枕泉吟筑，慘淡侵床雪作花。
一幅南滇臥游畫，子規悲叫木杈桮。

送廉堂庶常假歸武昌

翰林家本具區濱兩世今爲鄂渚人已奏崢嶸金馬賦
甄抽森竦玉堂身宜城美酒清於露江夏鱗魚滑似銀一榜
姓名君獨貴廉堂爲子己亥典試湖北所得士入翰林好者惟君與許石泉編脩而石泉已物故矣好
將遭遇慰衰親

黃鶴樓前鐵笛聲
禰衡洲上亂帆明
君歸漸似嶺雲遠
吾意渺然春草平
此後江南望江北
幾番潮落更潮生
槐花柳絮紛如雨
併入離腸無限情

楊花四首和玉圃考功元韻

龜茲初犯酒初闌
人立河橋夕照殘
西北樓高簾幕小
短長亭遠海天漫
辭枝梗會傴僂舞
貼水能描陣陣瀾
悵悵

一春花事晚更惜雙眼帶煙看

亭午東風氣力微穿牕入牖更飄衣
觀他芳草一條絲憐煞黃鸝相對飛
纔逐白雲籠去馬已成青鬪衣去聲空磯刹
那轉眼爲陳迹回首靈和夢是非

藥欄桐徑胃成毬滅沒塵埃命不猶
酒熟村南更村北燕忙沙尾復沙頭
影繁官道催顛白曲盡陽關暗淚流
底用千金酬妙舞當年垂手極輕浮

片雲藏雨勢堆絲新漲涵空欲拍天
蝴蝶奮翎穿圃闌子規含語抱叢眠
無人庭院風搓雪如水簾櫳夢化煙
憐爾顛狂河朔慣不曾披拂采香船

和丁琴泉侍御右安門外看花游清泛園歸集牛師

竹舍人秋影山房小飲原韻

曉筮同人卦相于野與郊花爭飄客面山欲湧林梢蘭若
松杉合人煙韋杜交辛勤灌園叟結屋傍沙坳

大槐含宿雨高柳縮餘春忽見魚蝦市無窮瓢榼人抱城
陂渺渺趨海水粼粼何處村醪熟聞香遠脫巾

三里復五里林遙與騎遙誰家舊亭館一犬吠溪橋無主
草蕪漫比鄰鐘寂寥花傭疎禮節抱甕意殊驕

新月挂城角娟娟已照扉杯深宜換酒坐冷好添衣名字
俱臺省鋒毫各奮飛書堂榜秋影偏是暮春歸

香山靜宜園瀑布

薰琴終日殿西頭匹練林梢曳不收遠勢屈盤行嶺背低

吟清切落岡陬香宜佛性山功德靜發僊韶 聖豫游一
派琅然彈拂處爲民解阜爲民憂

無限樓臺倚夕陽春酣林壑氣雄蒼激將舞雪迴風勢界
破非煙若霧光一鶴戾空爭皓潔萬松吟晝與鏗鏘碧雲
臥佛齊鐘鼓總爲鳴淙應答忙

瓶中芍藥

幽州之野沙土兼植物條暢春風恬高槐遮天晚老柳紅
雨飛墮青酒帘櫻桃來禽綴磊磊爵耳牛舌抽纖纖都人
賞春騁郊郭不醉不肯返轡銜人家韋曲接杜曲士女朝
出突不黔今朝吾自閉閣臥驀聞賣花起窺覘豐臺老人
佺儂走屨擔時復歇虛檐呼之亟買惟恐盡几案已滿意

未厭罇鉸顛倒鏗錯落旁及甕盎搜括巖深紅淺絳間淡
白花意欲吐口尙緘高低向背隨手插疎處略補繁卽
色香花葉盡吾有世上豪侈不是添吾官長安十四載每
歲未花心已饒不如今年閒且富床頭俸錢信手拈將錢
沽酒邀客飲須臾有人褰疎簾一杯到手先自醉不知酸
辣但有甜樽空客去主人臥花應聞我夢語詰

小病喜雨

低窄簾櫳掩晝昏兒童喧着雨跳盆雲來渤碣青滄際

雲氣

從東南蒼然而來

潤到蒲葵葑薤根一夜水聲穿御陌詰朝喜

語溢

朝門曹郎臥抱河魚疾頓起扶床罾脚軒

徐鐵崖編脩贈宣紙歛硯徽墨銀硃

涇川一曲三百里川上人家工硨紙硨成如練復如肪澄
心色澤漫麻理新安硨材帶雲剡黝潤欲敵端溪端燒松
萬斛選百錠鍊砂滿爐收一九何人兼此好供養拓牋信
手爲圖障麝煤濃蘸肇窠成丹篆奮飛青紙樣曹郎終歲
不讀書翻漿白汗判牘餘宣州歙州足未到大好山水嘗
聞諸山陰翰林貧徹骨南遊采石弔捉月俸錢揮盡不言
空歸裝無限措大物匪徒自娛兼娛人知我嗜書忒精神
殷勤割捨手持贈縹囊鬆匣光璘珣世間生活何者貴石
硨磨穿帖可背甌自生塵突不黔一日可無書具在敬亭
山色白亭亭歛浦春深草樹青謝君惠好爲君咏霧雨空
堂晝杳冥

題深柳讀書圖

考槃幽絕澗與藹碩人寤起發長哦不知口中讀何語大
抵五柳文居多先生愛柳以自况吾子之貌柳下和少時
種柳本無意今日已成蒼翠窩客來那覓主人處當門片
石堪摩抄螳螂捕蟬響欲墮蝴蝶穿徑忙如梭有時東風
卷飛雨不見亭館但綠波波中書聲沉復亮如向煙水尋
笙歌傾耳聽之字句出停雲飲酒了不訛吾欲披林闖然
入騰身竟自蹲磐陀又恐栖禽鷺驚起毛羽雪落鋪青莎
上人冥坐問不答題詩其端一笑呵

題韓旭亭封翁畊饁圖

鶴頭鴉嘴隨身具竹筥練裘林下裝家世水田三百畝自

能料理讀書糧

北郭蕭蕭竹樹居，萁芽滿地水充渠。
尙書長物無多耳，付

與孫曾一柄鋤。

謂文懿公

孝廉胸有五車書，比部平反無日無。
一舸潞河迎父母，載來農婦與耕夫。

吳下詩人詩益昌，詩昌身晦亦何妨。
請看笠雨篔簹煙裏便，是梁鴻對孟光。

陶然亭宴集和星橋舍人韻

昨夢羊蹄踏菜圃，覺來口角饑涎生。
平生食籍分有幾，蔓菁蘆葍塞春晴。
舍人用錢如用土，醉語誦誦誇大戶。
猶嫌獨酌困無聊，苦捉朝官聯十五。

忙時常歎閒時稀那見閒時肯掩扉馬蹄未蹕氣先逸只恨城頭隔翠微寺僧見慣臺省客拂榻開簾穩布席我來

二十四春秋亭自依然髭已戟

余年二十始遊陶然亭今四十三歲矣

丐沐一旬苦謀酒通籍十年常憶梅歲歲亭前葦花白雪翻浪捲西風催諸公當年西向笑一蹋黃塵埋聽眺算來無過長康癡費却十千買一嘯

麋鹿不同鳧雁嬉頭白苦早歸苦遲竭來孤亭說無有裴頠王衍那足奇長繩無計繫急景歸路夕陽風在領滿城鐘鼓答蒼茫回首孤亭沒林影

賦得深巷明朝賣杏花

得錢字

德雨友溫讓賣花天子夢

回簾底繁聲宛枕邊料從粧閣過還傍市橋偏泥滑應妨
屐鈴喧不礙眠峭寒成昨日芳信又今年語憶比鄰熟香
會隔巷傳自挑燈燄藥默數晝叉錢漸有傷簫喚相將社
鼓闌懸知人倦處春色已盈肩

賦得水村山郭酒旗風

得裝字

驛路趁鶯忙東風舞麴坊水村漁對戶山郭寺依岡綠幔
紅橋外青帘粉堞旁樓臺惟一笛煙雨在孤航燕掠游隼
勒花飄倦旅裝過溪逢醉客出塢已斜陽芳草人千里垂
楊絮半塘提壺盧喚處亭短復亭長

題姚大宗伯

成烈聽濤圖照

尚書七十官崢嶸其身則松其心孺家山南北兩高峰魂

夢不會離祖墓致身通籍四十年四十年成一大賢大抵
爲政用儒術忠孝兩字擎拳拳平生仕宦半楚粵龍驤萬
斛畫鼓發行中書省尉陀城擁江上游庾亮月先生意滿
口不勝誰其寫之今右丞十萬株松九里路勢奪曲江潮
陵嶠頰水清能寧灌氏幾見西湖濁有滓尙書地望典容
臺長使松風拂人耳

玉圃比部倣儲太祝樵父牧童田家諸詩并和其韻
醇古渾厚直追古人予詩剽疾未能幾也願讀之
而愛不忍釋卽不能無作效顰之誚所不辭耳

和樵父辭

伐樹不伐根肩荷杈枿枝妻孥置酒問勞苦心自知谷鳥

朝喚出溪風暮送歸渴飲谷底水倦憩溪邊茨雲霞淬我
斧麋鹿銜我衣尋聲逐伴侶度杓忘險危借問父年歲甲
子半是非

和牧童辭

十牛九將犢泥滑牛蹄深十童九響笛笛聲馴犢心犢遊
童亦遨渡溪水濺襟童寢犢亦寢息此高柳陰縹車響茅
屋賽鼓喧青林相傳南山下猶有白石吟童子閒竊聽按
歌不成音

和田家雜興

開門看雲山綠意已滿墅前年初娶婦去歲復嫁女屋下
汗萊田春來已成圃兒童易襦袴筐篚饋梁柔姻婭爲比

鄰巷陌隔汀渚樂哉歲屢豐幾曾閒磨杵別種花蔓菁人
棄我兼取

山田不恒磽澤田不恒腴幾見荷斧樵而慕結網漁宜稻
與宜麥厚地功不居豐凶卜春雨新火行鑽榆曉聞鳩逐
婦密葉覆我廬起視山下田黃犢相追呼繞村擊社鼓漿
食盈簞壺

不知田家憂但知田家樂自從祖父來未見縣城郭傳聞
青苗令輸絹不待穫今我生太平飽及鼠與雀昨日縣官
來云來自京洛里正故長者奔走告村落殺雞邀里正試
嘗酒厚薄

菰香豕正肥霜落葉初老酌酒爲酣嬉難與外人道秋稼

已斂場弱孫復堪抱初日明熹微新帛自煖好綢繆屋上
茅誅夷田間草從來上農夫歲寒閉戶早

同人會飲於王比部香雨寓齋聽盛孟巖駕部歌余
念奴嬌詞余僕金三者吹簫和之明日玉圃比部
以七絕二章見示輒作詩報之

塞山孱穉寒花肥月滿空樽露滿衣歲歲與君常把酒醉
聽清夜鶴南飛

芳草晴川送客行謝渠高唱動離情渭城朝雨龍山雪無
此蒼涼激宕聲

一聲吹動四山風暗樹號禽砌訴蛩座上何人推健者一
生馬稍本來工

七字千金絕妙辭
醒能奏記醉吟詩
一秋歡賞真無價
壓倒人間歌板師

立秋日會飲於香雨比部寓齋

羈旅畏聞秋况在長城外
三年仙山風吹緩客子帶灤水
駛且清未寒沙已汰水上芙蓉花
綠跼戴金蓋以彼野逸姿
照我無聊賴吾生如四時
春盡夏復邁行與秋爲期
良友羞乍會耿耿長河明
歷歷北斗大蠟燭翳簾櫳
螢火沒蓬艾室中木上座
脫略無起拜嘉哉同心人
置酒邀夜話
松青樛蠶醢豕白芼葱薤
明知秋無情却以有情醉
一更月騰山草木發幽籟

寓居與僧官帽相直煙雲之狀曉暮萬端輒咫尺不

可辨庭下植花數種雨後盛開紅白皎然因成二

律

千金何處買秋光籬角牆陰寫趙昌我本無心聊晤對渠
方着意作低昂土含沙水精神飽風轉松杉氣味香倦蝶
易迷蜂易老別培叢菊待清霜

花不知名儼靜姝瓜能引蔓臥秋蕪晨興輒先去聲將雛鵲
晚醉閒尋荷蓀夫滿徑露光淒欲泣一牕蛩語細如無錦
屏繡障持何用自有青山拓四隅

入秋後日日東南風四山雲氣縷縷如蒸甑然今日
有風自西北來雲氣爲之頓豁輒賦

塞雲如馬復如羊曳霧拖煙作使狂忽有颺車驟西北不

殊雷鼓裂裂嗟岡直憑造化爐錘巧一扇人間草木涼我欲
相隨列禦寇月明吹笛過天間

與玉圃比部夜坐

南院啼螿北院箏商音淒霧不分明二更秋自銀蟾吐小
語涼從冰去聲簟生才子性靈盟楚畹仙人樓閣寄瑤京莫
言一樹無情碧會寫風聲更雨聲

咏庭中草木用東坡王伯馭所藏趙昌花四首韻

吳姬理曉粧窓紗皓於練望遠更傷秋暗淚落如霞娉婷
赤鳳仙深淺學姬面姬能調玉箏指甲紅片片如何美人
花能使枯眼泣世上無徐熙欲畫誰可倩

右鳳仙

似草更非木宜冬亦喜涼雖無特立幹交垂匝清光疎萼
態自野弱蔓膚有芒主人一引手厥族繁且昌纍纍離落
際碩腹藏陰陽剝瓢貯美酒斟酌風露香

右葫蘆

一雨草木滋雙眼困秋潦及此溪山晴了無一花好獨有
野芙蓉顏色腴不槁照水自矜持立露寡欹倒比鄰紅藕
花敗速爲開早我非富貴姿聊可伴衰老

右芙蓉

羈旅夢吳會短棹乘輕風溪邊水荳花弄影明鏡中覺來
良自笑身是塞上翁開窓見所夢恍惚煙水空蜻蜓與蛺
蝶倦翅迷秋紅可知沙石際點綴煩天工

右水菘

七月廿四日同人饋豚酒遙爲太夫人壽

兒也驚秋母倚門遙思瓊露裏金萱燔豚剪韭邀同舍
丐沐銜杯感至尊關樹早寒麋鹿出塞田新霽鶴鴿喧月
輪滿處歸時節再拜應承一笑溫

顧星橋和余立秋日詩復疊韻寄之

酒是聖賢中夢覺形骸外疎帷聚豷雷夜雨漲衣帶秋暑
不可驅心遠暑自汰萑葦相淺深林壑互承蓋殘花病蟲
守餘粟飢鼠賴作羹已無過聯句那有邁空書三十幅意
與新浦會詩癡顧長康五字落墨大背癢恰得爪病劇乃
貽艾窓間展觀之風葉助舞拜徧示同舍郎足韻羈旅話

珊瑚萃鐵網，琳琅擢金薤。把盞更哦詩，一句須一醉。猥作蟋蟀廢，織響雜空籟。

宋香巖刺史出其曾祖閣學藥洲先生所貽舊榻聖

教序索題輒賦四絕

賦裏梅花觸手芬，一生俎豆衛將軍。傳家長物無多耳，一冊文皇御製文。

槐市南頭草沒鞋，森森古木與雲儕。法書名畫俱灰劫，不見當時賜硯齋。

盛寒酷暑總臨摹，斷楮零縑無處無。攜出關門風雪裏，世傳學士運糧圖。

野鶩家雞世所嗤，須拚成冢復成池。可知書是君家事，不

獨義之有獻之

咏瓶中野芙蓉

古鏡新水養圓金照我孤羈耿耿心怯露暗蟲吟易碎受
風衰蝶翅難禁簞涼初月明窓几夢覺長河落枕衾綠葉
翠莖良自好可憐不上女兒簪